



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bekerung H. Joannis Harennij

Haren, Jan

Cölln, 1586

VD16 ZV 7369

Vom Freyen willen.

urn:nbn:de:hbz:466:1-35563

Vom Freyen willen.

Simon der Zauberer / vnd die Mantscheer namen den Christen den Freyen willen / als ob der mensch durch die gnade Jesu Christi das nicht widerumb bekommen hette / so ihm durch den fall Adams genommen worden. Aber alle alte Vätter haben ihnen freidig widerstand gethan durch Gottes wort / vnd sie verdampft.

Bei vnsern zeiten haben die Protestirenden auch den Freyē willen geleugnet / sind gar vnd vber die maß weit aus den schranken der erbarkeit / vñ gottesfurcht geschritten / vnd haben etliche vnter ihnen geleret / das Gott nicht weniger ein Ansefenger vnd vrsach seye der verräterey Judæ / als der bekerung S. Paali. Wolan hat den ein Christen mensch seinen freyen willē nicht / so müssen darauß notwendiglich diese absurditeten vñ vngereimpte dinge erfolgen.

Zumersten / das Jesus Christus / nach dem er in diese Welt komen / vns durch seine wolthat nicht sol widerumb geben haben / was vns durch Adams sünde genommen war.

Philipp⁹
Melanes
thō in sei
nen erstē
Cōmenta
rien vber
die Epist
tel zum
Rōmer.

I.

Zum

- II. Zum andern / hat der Mensch seinen Freyen willen nicht / so würds vmbsonst vnd vergeblich sein / das man ermanung / erinnerung vnd straffe an ihm brauchen sol / weil es in seiner macht nicht were / sonder er würde von Gott gestercket / das er ihm gehorsamen müste.
- III. Zum dritten sol daraus folgen / das die sünde aus notzwang geschähe.
- IIII. Zum vierten / wen böses vnd guts thun nicht auß dem freyen willē herkäme / als dan sol sich nicht gebürē / das mā straffe te oder verlönete.
- V. Zum fünffte / wer es nicht in des Menschen freyheit / das gute oder das böse zu erwelen / so müsten aus not alle Menschē gut oder böse sein.

Von der Communion des Nachtmahls.

Brenzarius verleugnete vorzeitē die warhafftige wesentliche gegewertige Peit des Leibs vnd Bluts Jesu Christi im Nachtmahl. Die Protestierenden Calvinisten schemen sich nicht zuleren / das der ware Leib vnd das ware Blut Christi / so weit vō vns sey in der communion /
als